



Na osnovu poglavlja VI. članova. 2 i 4. Ustava Federacije Bosne i Hercegovine ("Službene novine Federacije Bosne i Hercegovine", broj: 18/94 i 13/97), člana 75. Ustava Zeničko-Dobojskog kantona ("Službene novine Federacije Bosne i Hercegovine", broj: 7/96, 1/96, 10/00 i 8/04), člana 13. Zakona o principima Lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj: 49/06 i 51/09), člana 111. Statuta Općine Olovo ("Službeni glasnik Općine Olovo", broj: 2/07 i 4/08), Zaključka Općinskog vijeća, broj: 01-01-3-1106/18 od 19.04.2018. godine i člana 127. Poslovnika o radu Općinskog vijeća ("Službeni glasnik Općine Olovo", broj: 2/08), Općinsko vijeće Olovo na sjednici održanoj, dana 19.07.2018. godine, **donosi**

**ODLUKU**  
**o izmjeni i dopuni Statuta Općine Olovo**

**Član 1.**

Član 5. Statuta Općine Olovo ("Službeni glasnik Općine Olovo", broj: 2/07 i 4/08) mijenja se i glasi: Općina Olovo obuhvata područje sljedećih naseljenih mjesta: Olovo, Ponijerka, Drecelj, Radačići, Grabovica, Berisalići Brda, Lišci, Olovske Luke, Kolakovići, Pušino Polje, Dugandžići, Arapovača, Ponor, Krajšići, Gurdići, Rečice, Žeravice, Rubinići, Slivnje, Petrovići, Čude, Dolovi, Bakići, Kruševo, Prgoševo, Ajdinovići, Klinčići, Križevići, Boganovići, Glavično, Kovačići, Bukov Do, Žunova, Solun, Rečica, Metilji, Milankovići, Čuništa, Vukotići, Rijeka, Kamensko, Magulica, Stojčići i Jelaške.

**Član 2.**

Član 10. Statuta Općine Olovo ("Službeni glasnik Općine Olovo", broj: 2/07 i 4/08) mijenja se i glasi: Dan Općine Olovo je 03. Avgust.

**Član 3.**

Član 40. Statuta Općine Olovo ("Službeni glasnik Općine Olovo", broj: 2/07 i 4/08) mijenja se i glasi: Načelnika za vrijeme privremene odsutnosti ili spriječenosti zamjenjuje dužnosnik ili djelatnik općinskih organa uprave, kojeg on ovlasti.

**Član 4.**

Član 70. Statuta Općine Olovo ("Službeni glasnik Općine Olovo", broj: 2/07 i 4/08) mijenja se i glasi: Broj članova Savjeta mjesne zajednice utvrđuje se Pravilima mjesne zajednice i ne može biti manji od 3 (tri), niti veći od 9 (devet).

Mjesna zajednica koja ima do 500 stanovnika, bira 3 (tri) člana savjeta, mjesna zajednica koja ima od 500 do 1500 stanovnika bira 5 (pet) članova savjeta, mjesna zajednica koja ima preko 1500 stanovnika bira 7 (sedam) ili 9 (devet) članova savjeta mjesne zajednice, zavisno od broja podružnica te mjesne zajednice.

## Član 5.

Ova odluka stupa na snagu narednog dana od dana objavljivanja u Službenom glasniku Općine Olovo.

**PREDSJEDAVAJUĆA  
OPĆINSKOG VIJEĆA**

Broj: 01-01-3- 1772 / 18  
Dtum: 19.07.2018. godine

**Epida Brkić, dr. med.**

